

Sènglêng ê Insù

12 Hiaⁿtī chímōe, góa bô hibāng lín tùi Sènglêng insù it bû số ti. 2 Lín chai, lín íchêng iáubōe sìn Chú ê sí, kùchāi lāng ínhhōa lín khì pài bē kóngōe ê ngósiōng. 3 Sói, góa ài lín bēngpék, siū SiōngChú ê Sènglêng kám-tōng ê lāng bē kóng “lésu tiòh siū chiùchó”; bô siū Sènglêng kám-tōng ê lāng mā bē kóng “lésu sī Chú”.

4 Insù suijiân ũ chin chē chióng, siúⁿsù insù ê Sènglêng khiok sī kâng chítê; 5 hòksāi ũ chin chē chióng, Chú khiok sī kâng chítê; 6 kangchok ũ chin chē chióng, tī bānsū bānmih tiong teh ũnhêng ê khiok sī kâng chítê SiōngChú. 7 Sènglêng hiánbêng tī ták lāng sinchiūⁿ ê bô chióng hêngsek ê kangchok, sī ũi tiòh beh hō chēnglāng tit tiòh liék. 8 Ū lāng tùi Sènglêng tit tiòh thoân hokim ê tìhūi, ũ lāng tùi kâng chítê Sènglêng tit tiòh tìsek; 9 mā ũ lāng tùi kâng chítê Sènglêng tit tiòh sìn-sim, koh ũ lāng tùi kâng chítê Sènglêng tit tiòh i pēⁿ ê lēnglèk; 10 ũ lāng tit tiòh kiāⁿ sìn-jiah ê lēnglèk, ũ lāng tit tiòh thoân-káng SiōngChú hokim ê insù, ũ lāng tit tiòh piān-piát ták chióng sìn-lêng ê lēnglèk, ũ lāng tit tiòh kóng kok chióng òegí ê insù, koh ũ lāng tit tiòh hoanék kok chióng òegí ê lēnglèk. 11 Chóng sī, sóū chiahê itchhè lóng sī kâng chítê Sènglêng teh ũnchok, chiàu I kakī ê ìsù kā bô kâng ê insù pun hō múi chítê lāng.

Chítê Sengkhū Ū Chin Chē Kithé

12 Tú chinchhiūⁿ sengkhū sī chítê, khiok ũ chin chē kithé; sengkhū ê kithé suijiân chin chē, sengkhū khiok chíū chítê; Kitok mā sī áne. 13 Bôlūn sī lúthài lāng á sī Hiláh lāng, chò lôlê ê á sī chíu ê, lán lóng sī tùi kâng chítê Sènglêng niásiū sélé lâi chiāⁿchò chitthé, jíchhiáⁿ hō kâng chítê Sènglêng chhiong-móa.

14 Sengkhū m̄ sī kantaⁿ chítê kithé, sī ũ chin chē kithé. 15 Kha nā kóng, “Góa m̄ sī chhiú, sói bô

聖靈 ê 恩賜

12 兄弟姊妹，我無希望 lín 對聖靈恩賜一無所知。 2 Lín 知，lín 以前 iáu 未信主 ê 時，kùchāi 人引 chhōa lín 去拜 bē 講話 ê 偶像。 3 所以，我 ài lín 明白，受上主 ê 聖靈感動 ê 人 bē 講「耶穌 tiòh 受咒詛」；無受聖靈感動 ê 人 mā bē 講「耶穌是主」。

4 恩賜雖然有真 chē 種，賞賜恩賜 ê 聖靈卻是全一个； 5 服事有真 chē 種，主卻是全一个； 6 工作有真 chē 種，tī 萬事萬物中 teh 運行 ê 卻是全一个上主。 7 聖靈顯明 tī ták 人身上 ê 某種形式 ê 工作，是為 tiòh beh hō 眾人得 tiòh 利益。 8 有人 tùi 聖靈得 tiòh 傳福音 ê 智慧，有人 tùi 全一个聖靈得 tiòh 智識； 9 mā 有人 tùi 全一个聖靈得 tiòh 信心，koh 有人 tùi 全一个聖靈得 tiòh 醫病 ê 能力； 10 有人得 tiòh 行神跡 ê 能力，有人得 tiòh 傳講上主福音 ê 恩賜，有人得 tiòh 辨別 ták 種神靈 ê 能力，有人得 tiòh 講各種話語 ê 恩賜，koh 有人得 tiòh 翻譯各種話語 ê 能力。 11 總是，所有 chiahê 一切 lóng 是全一个聖靈 teh 運作，照祂 kakī ê 意思 kā 無全 ê 恩賜 pun hō 每一個人。

一个身軀有真 Chē 肢體

12 Tú 親像身軀是一个，卻有真 chē 肢體；身軀 ê 肢體雖然真 chē，身軀卻只有一个；基督 mā 是 áne。 13 無論是猶太人 á 是希臘人，做奴隸 ê á 是自由 ê，咱 lóng 是 tùi 全一个聖靈領受洗禮來成做一體，而且 hō 全一个聖靈充滿。

14 身軀 m̄ 是 kantaⁿ 一个肢體，是有真 chē 肢體。 15 腳若講：「我 m̄ 是手，所以無屬身

siòk sengkhu”, kha bē inūi áne tòh bô siòk sengkhu. 16 Hīn’á nā kóng, “Góa m̄ sī bákchiu, sói bô siòk sengkhu”, hīn’á mā bē inūi áne tòh bô siòk sengkhu. 17 Choân sengkhu nā lóng sī bákchiu, beh ēng siáⁿmih lâi thiaⁿ? Choân sengkhu nā lóng sī hīn’á, beh ēng siáⁿmih lâi phīn? 18 Chóng sī, SiōngChú chiàu I ê chí, kā tákê kithé sūi ê antì tī sengkhu. 19 Nā pahthé lóng kângkhoán, ná ē tàng chiáⁿchò chítê sengkhu? 20 Sengkhu sui jiân ū pahthé, sengkhu khiok sī kantaⁿ chítê.

21 Bákchiu bē tàng tùichhiú kóng, “Góa bô suiàu lí.” Thâu khak mā bē tàng tùi kha kóng, “Góa bô suiàu lín.” 22 Kísit, hiahê khòaⁿ khí lâi khah loánjiók ê kithé, tiantò koh khah ū pitiau. 23 Lán khòaⁿ chò khah bô tiōngiàu ê kithé, tiantò tiòh kā in khah khòaⁿtiōng; hiahê khah pháihⁿkhòaⁿ ê kithé, lán tiantò tiòh kā in khah koansim. 24 Hiahê khah hókhòaⁿ ê kithé tòh bô suiàu táⁿpān. SiōngChú kā sengkhu antì hósè, hō hiahê khah bô tiōngiàu ê kithé tit tiòh khah chē ê chuntióng. 25 Áne, kuiê sengkhu chia hē hunliát, tiantò hō pahthé hōsiōng chiàukò. 26 Chit ê kithé nā siūkhó, pahthé tòh chòhóe siūkhó; chítê kithé nā tit tiòh êngkng, pahthé tòh chòhóe hoaⁿhí.

27 Lín tòh sī Kitok ê sengkhu, tak lāng lóng sī Kitok sengkhu ê kithé. 28 SiōngChú tī kauhōe só antì ê, tē it sī sùtô; tē jī sī tāigiânjîn, tē saⁿ sī kàusu, ígōa koh ū kiáⁿ sînjiáh ê, ū i pēⁿ koānlêng ê, ē pangchān lāng ê, ē tīlī sūbū ê, kah ēhiáu kóng tak chióng oēgí ê lāng. 29 In kám tak lāng lóng sī sùtô? Lóng sī tāigiânjîn? Lóng sī kàusu? Lóng sī kiáⁿ sînjiáh ê? 30 In kám lóng ū i pēⁿ ê lênglêk? Kám lóng ē kóng tak chióng ê oēgí? Kám lóng ē hoanék bô kâng ê oēgí? 31 Lín engkai tiòh pekchhiat himbō koh khah tōa ê insù. Taⁿ góa beh kā lín chísī chit tiâu siōng hó ê lō.

軀」，腳 bē 因為 áne tòh 無屬身軀。 16 耳 á 若講：「我 m̄ 是目 chiu，所以無屬身軀」，耳 á mā bē 因為 áne tòh 無屬身軀。 17 全身軀若 lóng 是目 chiu，beh 用啥物來聽？全身軀若 lóng 是耳 á，beh 用啥物來鼻？ 18 總是，上主照祂 ê 旨意，kā tak 个肢體隨个安置 tī 身軀。 19 若百體 lóng 全款，ná ē tàng 成做一个身軀？ 20 身軀雖然有百體，身軀卻是 kantaⁿ 一个。

21 目 chiu bē tàng 對手講：「我無需要你。」頭殼 mā bē tàng 對腳講：「我無需要 lín。」 22 其實，hiahê 看起來 khah 軟弱 ê 肢體，顛倒 koh khah 有必要。 23 咱看做 khah 無重要 ê 肢體，顛倒 tiòh kā in khah 看重；hiahê khah pháihⁿ 看 ê 肢體，咱顛倒 tiòh kā in khah 關心。 24 Hiahê khah 好看 ê 肢體 tòh 無需要打扮。上主 kā 身軀安置好勢，hō hiahê khah 無重要 ê 肢體得 tiòh khah chē ê 尊重。 25 Áne，kui 个身軀 chia hē 分裂，顛倒 hō 百體互相照顧。 26 一个肢體若受苦，百體 tòh 做伙受苦；一个肢體若得 tiòh 榮光，百體 tòh 做伙歡喜。

27 Lín tòh 是基督 ê 身軀，tak 人 lóng 是基督身軀 ê 肢體。 28 上主 tī 教會所安置 ê，第一是使徒，第二是代言人，第三是教師，以外 koh 有行神跡 ê、有醫病權能 ê、ē 幫贊人 ê、ē 治理事務 ê，kah ē 曉講 tak 種話語 ê 人。 29 In kám tak 人 lóng 是使徒？Lóng 是代言人？Lóng 是教師？Lóng 是行神跡 ê？ 30 In kám lóng 有醫病 ê 能力？Kám lóng ē 講 tak 種 ê 話語？Kám lóng ē 翻譯無全 ê 話語？ 31 Lín 應該 tiòh 迫切欣慕 koh khah 大 ê 恩賜。Taⁿ 我 beh kā lín 指示一條 siōng 好 ê 路。